



## KEMENTERIAN PENDIDIKAN MALAYSIA

### IKLAN PENGAMBILAN KHAS

#### **PROGRAM IJAZAH SARJANA MUDA PERGURUAN (PISMP) DENGAN KEPUJIAN BAGI CALON LALUAN KHAS LULUSAN UNIFIED EXAMINATION CERTIFICATE (UEC) DAN SIJIL MENENGAH AGAMA (SMA) ATAU SIJIL MENENGAH UGAMA (SMU) AMBILAN 2020**

Kementerian Pendidikan Malaysia (KPM) mempelawa lulusan UEC dan SMA atau SMU yang berkeelayakan, berpotensi, berminat dan beriltizam untuk mengikuti program seperti berikut:

#### **1. KETERANGAN PROGRAM**

##### **1.1 Nama Program :**

Program Ijazah Sarjana Muda Perguruan (PISMP)

- 1.1.1 Program ini dikhususkan untuk melatih bakal guru di Institut Pendidikan Guru (IPG) yang ditetapkan oleh Kementerian Pendidikan Malaysia dalam pelbagai bidang pengkhususan bagi keperluan di sekolah rendah.
- 1.1.2 Pemohon dikehendaki mengikuti Program Persediaan Ijazah Sarjana Muda Perguruan (PPISMP) selama dua belas (12) bulan atau tiga (3) semester di IPG berkenaan yang ditetapkan oleh Kementerian Pendidikan Malaysia.
- 1.1.3 Pemohon yang LULUS PPISMP akan diberikan Sijil Tamat PPISMP dan DITAWARKAN mengikuti pengajian PISMP selama empat (4) tahun atau dua belas (12) semester di IPG yang ditetapkan oleh Kementerian Pendidikan Malaysia.
- 1.1.4 PPISMP dan PISMP dilaksanakan secara Mod Sepenuh Masa.

#### **2. SYARAT UMUM**

- 2.1 Warganegara Malaysia.
- 2.2 Umur tidak melebihi 20 tahun pada 30 Jun 2020 iaitu lahir pada atau selepas 30 Jun 2000.
- 2.3 Sihat tubuh badan.
- 2.4 Aktif dalam kegiatan kokurikulum.

### 3. SYARAT AKADEMIK

Lulus Sijil Pelajaran Malaysia (SPM) dengan memperoleh sekurang-kurangnya **gred kepujian dalam Bahasa Melayu dan Bahasa Inggeris serta lulus Sejarah.**

### 4. SYARAT TAMBAHAN

4.1 Lulusan Unified Examination Certificate (UEC) :

4.1.1 Lulusan Unified Examination Certificate (UEC) mesti memiliki sekurang-kurangnya **tiga (3) gred kepujian di peringkat Sijil Senior Middle Level (UEC-SML)**

4.2 Lulusan Sijil Menengah Agama (SMA) atau Sijil Menengah Ugama (SMU):

4.2.1 Lulusan Sijil Menengah Agama (SMA) atau Sijil Menengah Ugama (SMU) mesti memiliki sekurang-kurangnya **tiga (3) gred kepujian di peringkat SMA atau SMU.**

### 5. BIDANG PENGKHUSUSAN YANG DITAWARKAN

5.1 Bahasa Cina Pendidikan Rendah bagi lulusan Unified Examination Certificate (UEC) :

5.1.1 Dalam tempoh Kursus Persediaan, calon mesti mengikuti Kursus Khas dan LULUS dalam tiga (3) mata pelajaran berikut:

- i. **Bahasa Melayu Komunikasi;**
- ii. **Sejarah; dan**
- iii. **Pendidikan Moral.**

5.2 Pendidikan Islam Pendidikan Rendah bagi lulusan Sijil Menengah Agama (SMA) atau Sijil Menengah Ugama (SMU)

5.2.1 Dalam tempoh Kursus Persediaan, calon mesti mengikuti Kursus Khas dan LULUS dalam tiga (3) mata pelajaran berikut:

- i. **Pendidikan al-Quran dan al-Sunnah;**
- ii. **Sejarah; dan**
- iii. **Pendidikan Syariah Islamiah.**

## **CALON TIDAK LAYAK MEMOHON**

1. Pemohon yang sedang mengikuti Program Ijazah Sarjana Muda Perguruan atau Ijazah Sarjana Muda Pendidikan di institusi-institusi pendidikan Kementerian Pendidikan Malaysia.
2. Pemohon yang dikenakan tindakan tatatertib atau sedang dalam proses tindakan tatatertib semasa dalam perkhidmatan awam atau latihan yang dianjurkan oleh agensi kerajaan.
3. Pemohon yang pernah mengikuti program ikhtisas di Institut Pendidikan Guru, tetapi gagal dalam peperiksaan dan ditamatkan daripada program.
4. Pemohon yang pernah atau sedang disabitkan dengan kesalahan penyalahgunaan dadah, jenayah atau tindakan mahkamah.

## **CARA MEMOHON**

1. Permohonan hanya boleh dibuat secara dalam talian (online) dengan melayari laman sesawang PISMP, Kementerian Pendidikan Malaysia di alamat : <https://pismp.moe.gov.my> mulai **23 Mac 2020**.
2. Permohonan akan ditapis berdasarkan syarat kelayakan dan kriteria yang telah ditetapkan oleh KPM. Pemohon yang terpilih mesti menduduki dan **Lulus** Ujian Kelayakan Calon Guru (UKCG) dan temu duga.
3. Pemohon dinasihatkan melayari laman sesawang : <https://pismp.moe.gov.my> bagi mendapatkan maklumat iklan, Ujian Kelayakan Calon Guru (UKCG), temu duga, syarat bidang pengkhususan dan gred minimum serta kalendar aktiviti sebelum membuat permohonan.
4. Pemohon dibenarkan mengemukakan SATU (1) permohonan dan boleh mengemaskini pada bila-bila masa sahaja sehingga tarikh permohonan ditutup. (**31 Mac 2020**).
5. Permohonan hendaklah disahkan setelah pemohon selesai membuat pengemaskinian dengan menekan butang pengesahan yang disediakan sebelum tarikh tutup permohonan. Pengesahan yang berjaya dihantar akan menerima nombor rujukan.
6. Pemohon hendaklah menyimpan nombor rujukan untuk tujuan semakan permohonan.
7. Maklumat yang tidak benar dan tidak lengkap boleh mengakibatkan permohonan ditolak.

## **PERINGATAN**

**Pemohon yang didapati memberi maklumat salah/tidak benar/manipulasi maklumat dalam borang permohonan akan diambil tindakan dengan menarik balik surat tawaran dan dikenakan tindakan undang-undang. Maklumat ini akan disemak secara terperinci pada hari pendaftaran dan selama tempoh pengajian.**

**TARIKH TUTUP PERMOHONAN : 31 MAC 2020 (11:59 MALAM)**

Sila hubungi alamat berikut sekiranya ada sebarang pertanyaan berkaitan dengan permohonan :

**INSTITUT PENDIDIKAN GURU MALAYSIA**

**KEMENTERIAN PENDIDIKAN MALAYSIA**

**ARAS 1 - 3, BLOK 2250, JALAN USAHAWAN 1**

**63000 CYBERJAYA, SELANGOR**

(u.p: Jabatan Pengambilan dan Penempatan)

No. Telefon : 03-8312 6720/6768/6758/6693/6678/6733/6731/6769/6689/6760